


Metiu 26



At lavanna
aleng avot ti
leluxa at
Lovovolo Pe, Iesu
gat pas uto Beteni,
mo lemenemen ne
Lasaro gak lox e; ni laradi ne
Iesu ga lox arooro amlong i
basinge lanmet. La ne
Maria ga lok ka lubuxom
ga umsu mi laxadan mavak,
laasen teren naat. Mo laxadan
somavak luunun teren ga silok aleng.


La neni ga
soli i ro at
luxangkedek at
ne Iesu, la ga ves
amesemes i mi
lavatkabinim at lavatlak
teren. Losomavak at na
laxadan ga umsu go
xeneng ap mo loogu.

La ne Judas Iskariot, lara at lasangaun mi legepura luvuttadi loklok ka anasa at ne Iesu ga vot pasa lavamaasa silok kusu neni na song araba ne Iesu ridi. La nedi diga lok momo aleng la diga tong i ri ne Judas do nedi diba raba i mi lempilas. La ne Judas ga ngangais ti toxonaleng kusu naba epovo rin ti song araba ne Iesu ri limixin kapmek.



3

La luvuttadi loklok ka anasa ren diga mumu asu levelinga at ne Iesu la diga lox agagas li leveluxa ri Lovovolo Pe. Move diga anan la ne Iesu ga lok kaka loxongkide, ga tong avukat ti ne Moroa, ga sebex i la ga raba luvuttadi loklok ka anasa ren min la ga lok, "Mina lok kaka i na la mina anan i; labantuxu rak na."



4

La neni ga lok kaka lakap inin, ga tong avukat ti ne Moroa, la ga raba di min la ga lok, "Nemi axap mina in at na. Lada rak na la i lok katling lekabus maxat. Lada rak ba sen su xusu ri limixin buang, ne Moroa naba doxoma xepe leveloklok kakapmek atdi."



5

La ne Iesu ga lok ti ne Simon, "Simon, Simon! Satan ira lok kaka vam lisisiam at ne Moroa xusu naba lok tong pen nemi axap, kerekngan laradi loklok tatao at laraamang i mangma asu levennit piao boro at lengkakan teren la i lok kepe leventuxu piao. Ketla ara sing pam tu, ne Simon, kusu lunuunu ram noxo subu. La do una leeng basinge laxakapmek taram, una lox alolos luvutnetam."



6

La ne Pita ga vorang i rin keretna, "Leeme Silok, a gagas kusu anat pas eburu minu uto at loxokoxo la aba met bok eburu minu!" La ne Iesu ga lok tin keretna, "Pita, a tong i ru do laxaxak kovisi noxo reng lingina, la nenu uba sev apkap naba vantun do uxoklen ia."




7

Melemu ne Iesu gat pas uto at lara loxot, laasen teren Getesemane. Luvuttadi loklok ka anasa ren diga emu min, diga rupot la ni ga lok tidi, "Mina xis de. Anat pas lixilik uto xusu ana lok lising." Ni ga lok keretna, "Tamak, u epovo una lok lempanga axap. Kereva, i epovo do una lok pes na lumumuat basinge ia. Ketla nemen gat uta mumu asu lavavara rak, una mu asu mun lavavara ram."



8

Lavamaasa silok mi lubung Parisi diga riki luvuttadi gugu atdi xusu dina emu mi ne Judas. Leventaba luvuttadi esep bok mo. La ne Judas gamgo nga di uto at laraamang. Digap kip levenapti mi lenbabao, la levempanga esep atdi. La lara atdi ga ra korop kepe labaalung tino at lasaxaruki at lamaasa gomgo. etla ne Iesu ga lok, "I epovo nga." La ni ga long tu at lavatlak at nom laradi la ni ga lox avukat labaalung teren.



Diga ranga alis ne Iesu la diga lam kaka i uto at loogu at lamaasa gomgo; la ne Pita ga mumu asu di ro vaxalom. Limixin mo diga mas laxao go xantubu at lemelua, la ne Pita ga xis eburu minedi digat kis mamain.




Lara lasaxaruki at lamaasa gomgo, neni at libibinat ap mo laradi ne Pita ga ra korop pes labaalung teren, ga lok, "Nenia a ven box u ro at laraamang olip." La ne Pita ga lok bok, "Kopmen." La ap mo mun loxonaleng laxaxak ga reng. La ne Pita ga vas su ukamang la gang teng tuntun aleng.




Luvuttadi amgomgo axap diga xatu kaxat la diga lam kaka ne Iesu uto melango at ne Paelat. La ne Paelat ga sue i, "Kereva, nenu loorong silok at limixin me Judaia?" La ne Iesu ga lok, "I ruturun. Nenu xa u tong i." Paelat ga vara i xusu na soxomus asu ne Iesu uto, kuren la ni ga xup manga ti

limixin. Ketla diga vaase amlong tin, la diga lok, "Paxarem i. Paxarem i at laxaba!"




La ne Paelat ga song araba ne Iesu ridi xusu dina vaxarem i ro at laxaba. La luvuttadi esep diga lok ka ne Iesu. La ne Iesu ga vas su la ga sosolok laxaba ren la gat pas uto at loxot, laasen teren, "Lavatlak Tongan." At lavapaase Ibru, laasen teren do Golgata.



Mo go diga vaxarem ne Iesu ro at laxaba; la diga vaxarem bok legepu radi at luxaba, lara saparap lekngen tino ne Iesu la lara saparap lekngen kia; la ne Iesu ga merem kantubu atdu.



La lavattamon ga merem to xeneng at loogu laplavang ga rem lais ti legepu xot. La ne Iesu ga xup lolos, ni ga lok, "Tamak, a lok li lороonan tarak at lukngam!" Ni ga tong i na la ga met ta.



15

Ga ukantinao Josep me Arimatia neni lara at lavaeme silok at limixin me Judaia la neni ga ngangais ti Linintoo at ne Moroa. Neni goxo marat la ga vot pasa ne Paelat la ga sing i do neni na raba i mi labantuxu at ne Iesu.



La ne Josep ga lok ka labantamon maxat la ga lox asi labantuxu at ne Iesu ukopok, la ga bom i mi nom labantamon.

16

La diga lok li i ro xeneng at lamaaut, no diga xe i ro xeneng at lavaruat silok. La ne Josep ga xavun pe lumusaragu at lamaaut mi lavaruat.



17

Ap mo laaleng melemu, ni laaleng kaala, lavamaasa eburu mi lubung Parisi diga vot pasa ne Paelat.



18

La diga lok tin keretna, "Leeme Silok, nema ma doma mumu levelinga ap mo laradi xaxarang at laaleng neni move ga rooro la ga lok keretna, 'Anaba roo xat amlong basinge lanmet melemu at lavantun aleng.'"



19

Kuren la diga vas kaxat la diga soxoba avukat lamaaut mi levempanga soksoxoba ren, la diga on basinge luvuttadi rutu mu e ri reven tatao lamaaut.



20

Melemu at laaleng kaala, taba umaxantamak at laaleng avot ap mo luik, ne Maria Magdalene nedu mi lara ne Maria vetpes bok dugat pas ti ven lamaaut.

La soso mene nga langne lolos ga vot, la laangelo at Leeme

Silok ga vas si boro vana at laxalibet, gat pas ti lamaaut, la ga xavun kepe lavaruat at lamaaut la garat kis to mavana ren.

21

La soso mene nga langne lolos ga vot, la laangelo at Leeme Silok ga vas si boro vana at laxalibet, gat pas ti lamaaut, la ga xavun kepe lavaruat at lamaaut la garat kis to mavana ren.

Luvuttadi rutu mu diga marat aleng la diga dede la diga mer aroo.

22

La laangelo ga vaase ri lutkin keretna, "Nemen gat muta marat, aklen i dola nemu mu reven pupuse ri ne Iesu, no ga rem to at laxaba. Ketla kopmen ta i de, no ira roo xat pam kerekngan levelinga ni ga tong i.

Ude numu la muna ven loxot diga vaxamdi i ren."

23

Kuren la duga vas kaxat soso basinge lamaaut la duga umsu mi lanmarat, ketla duga umsu bok mi lomomo. Duga sixit soso ri tong i ri luvuttadi loklok ka anasa at ne Iesu.


24

La soso mun ne Iesu ga ru tangarang du la ga lok tidu, "Lenmila nak lok buru minumu." La nedu duga vas li ren la duga rebeng tu at luxangkedek teren la duga lotu saporav i.

25

La melemu ne Iesu ga vot pasa lasangaun mi legesara luvuttadi loklok ka anasa ren at loxonaleng diga anan; la neni ga vaase lolos tidi mila lunuunu atdi goxo lolos la di goxo nuunu atnedi diga ven pam i. Se Leeme Silok ne Iesu ga vaase axap, Moroa ga lam ka i uto vana at laxalibet la neni ga xis taba ro at lenep at lekngan tino at ne Moroa.

26



Moróa ga balamu rinotno limixin axap at na lavatbung menemen, kuren la ni gam taba mi legesa madak mun teren, kusu do nege i nuunu ren, neni noxo seeve, ketla neni naba ruuna ka lorooro avolo.

54



60

27

Rom 3:23

Atla limixin axap digara lok pam laxapmek la digara subu kot basinge loklok mokmokso at ne Moróa.

Rom 6:23

Luunun at laxapmek, ni lanmet; ketla laramtaba at ne Moróa, ni lorooro avolo keneng at ne Iesu Karisito, Leeme Silok atnedik.

Ibru 9:27

Limixin axap dinaba met la melemu at na, Moróa ba lok li di at lavapaase.

28

Epesas 2:8,9

Moróa ga lox arooro nedik maxeneng at letaba nabalamu ren, mo letaba nabalamu ik lok tinedi di nuunu at ne Iesu Karisito. Limixin kopmen dina epovo kusu dina lox arooro nedi xa; ketla mo letaba nabalamu, ni laramtaba boro at ne Moróa. Kopmen tara i epovo na lok kaka loklox arooro mumu leven gugu nunuan teren, mila mo do xuren, limixin diba simi aurut di.

Rom 10:9,10

Do mina vaase asu mi levenbulubun atnimi do ne Iesu ni Leeme Silok, la mina nuunu mi lebelen nimi axap do ne Moróa ga lox aroo amlong ne Iesu at lanmet, nemi minaba roo suu. Kuren la nemi do mina nuunu mi lebelen nimi axap, nemi minaba sepmus; la do mina vaase asu i mi levenbulubun atnimi, minaba roo suu.

29

Jon 3:16,17

Moróa ga balamu rinotno limixin axap at na lavatbung menemen, kuren la ni gam taba mi legesa madak mun teren, kusu do nege i nuunu ren, neni noxo seeve, ketla neni naba ruuna ka lorooro avolo.

Moróa ga riki ne Nitna ude at na lavatbung menemen kopmen do neni na lok li loxokoxo ri limixin. Ketla Moróa ga riki ne Nitna xusu neni Laradi Loklox Arooro ridi.

1 Jon 5:11-13

Mo levelinga i lok keretna, Moróa ga raba vam dik mi lorooro avolo, la langas ti mo lorooro i nemen at lekngen ne Nitna. Dola tara i nuunu at ne Iesu, i ruuna ka vam nom lorooro. Do tara kopmen na nuunu at ne Iesu, ne Nitna ne Moróa, neni noxo ruuna ka nom lorooro. Nia a malagan na lempanga rinemi mi nuunu at laasen at ne Nitna ne Moróa kusu mina xasep do mira ruuna ka vam lorooro avolo.

30

Metiu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Madak Bible (mmx) © 2011, Wycliffe Bible
Translators, Inc. All rights reserved.

<https://www.bible.com/bible/1099/MAT.1>

©2026 Bible for Children, Inc.

www.M1914.org www.bibleforchildren.org

31